

PAYLLAKKUNAPAK HAYÑI

Servicio de Rentas Internas, charin rikuyku tukuy kullkita payllak runakuna paykunapak hayñikunata, ruraykunatapash alli yachachunmi munan.

Circular No. NAC-DGECCGC17-00000004 publicada en el Suplemento del Registro Oficial No. 980 del 07 de abril de 2017, Servicio de Rentas Internas killkawanmi, tukuy runakunaman willachirka, Mama Kamachipi, shuk kamachikunapipash tiyak hayñikunatami kullki payllakkunamanka riksichin, shinallatak kay katipi churashka hayñikunatapashmi riksichin.

1. Sumaychay, wakaychinamantapash hayñikuna
2. Yanapaymanta hayñikuna
3. Charinamanta hayñikuna
4. Willachimanta hayñikuna
5. Imashina ruraykunamanta hayñikuna

1. Sumaychay, wakaychinamantapash hayñikunaka kaykunami kan:

- a) Servicio de Rentas Internas Wasi ukupi llamkak runakuna, sumaychaywan, kuyaywan chaskina hayñi.
- b) Kikinllatak willaykuna, rikuchik willaykuna, manuchaski kullkimanta willaykunapash, pakalla wakichishka tiyana haiñi, kamachik nikllapimi pakalla tiyayka paskarinka.

2. Yanapaymanta hayñikunaka kaykunaka kan:

- a) Manuchaski Kullkita kamakka, hayñikunata paktachinamanta, ruraykunatapash paktachinamanta, willana, yanapanapash haiñi
- b) Tapuykunata rurana hayñi, utka kutichishkapash kana, kamachipi nishka pachakunapi.

3. Charinamanta hayñikunaka, kaykunami kan:

- a) Alli payllashkamanta, mana alli payllashkamanta, yalli payllashkamantapash kullkita kutichina hayñi.

b) Ima llakikunamantapash pacha tukurichun mañana hayni.

c) Pacha tukurishkamanta, Manuchaski Kullkita Kamak Wasipak ushaykuna tukurishkata paktachina hayni.

4. Willachimanta haynikunaka kaykunami kan:

a) Kikinmanta, charishkakunamantapash willaykunaman yaykuna hayni.

b) Kikinmanta ruraykuna imashina katikushkamanta yachana hayni

c) Kikinmanta, charishkakunamantapash, ruraykuna imashina katikushkata, harkaymanta, taripaymantapash kallari pachamanta yachana hayni. Shinallatak chay rurari katipi imakunallata ruranata, haynipi nishka pachakunapi rurashka kana hayni.

5. Ruraykuna ima shina katimanta, haynikunaka kaykunami kan:

a) Kikinllatak willaykunata allichina hayni, kamachipi nishka shina.

b) Manuchaski Kullkita Kamak Wasipak ruraykuna llakichikpika allichichun mañana, payllay kamachipi nishka shina, shinallatak, Manuchaski Kullkita Kamak Wasika, mañashkakunata utkami kutichina kan.

c) Ima mañashkakunatapash Manuchaski Kullkita Kamak Wasiman churana, kullki payllay kamachipi nishka shina.

d) Manuchaski Kullkita Kamak Wasiman, kullki pallaypi mana alli ruraykuna tiyapkika willana, sumaychaykunata, yupaychaykunatapash kuna hayni.

e) Ruraykunapi alli rurashka kana, harkarinapash hayni.

f) Imashina kashkamanta yuyaykunata, rikuchikunatapash Manuchaski Kullkita Kamak Wasiman kuna hayni, kamachikunapi nishka shina.

Ashtawan yachayta munashpaka, kayman yaykunki. web www.sri.gob.ec mana kashpaka hapikkunata rikukwan rimarinki. Telefónica al 1700 SRI SRI (774 774).